



CONCELLO DE CAMARIÑAS

A CORUÑA

ANUNCIO: PLAN ANUAL NORMATIVO 2020

O Concello de Camariñas, en sesión ordinaria de data 31 de xaneiro de 2020, de conformidade co previsto no art. 132 da Lei 39/2015, do 1 de outubro, do procedemento administrativo común das administracións públicas, aprobou o Plan normativo anual para o ano 2020.

De conformidade co disposto no citado acordo plenario e no art. 132 da Lei 39/2015, do 1 de outubro, do procedemento administrativo común das administracións públicas procédese a súa publicación no Portal de Transparencia deste Concello:

PLAN ANUAL NORMATIVO 2020

A Lei de Bases de Réxime local, no seu artigo 4.1 reconece aos municipios, na súa calidade de administracións públicas de carácter territorial, a potestade regulamentaria, isto é a facultade de elaborar e aprobar disposicións xurídicas de carácter xeral que implican a innovación do ordenamento xurídico.

O Título VI da Lei 39/2015, do 1 de outubro, do procedemento administrativo común das administracións públicas, aborda a potestade normativa das entidades públicas, recollendo os principios aos que ten que axustarse no seu exercicio a administración titular, e facer así efectivos os dereitos constitucionais nese ámbito, apostando pola mellora da planificación normativa *ex ante*, ao fin de lograr unha superior seguridade xurídica e a predictibilidade do ordenamento xurídico, mediante a divulgación dun plan anual no que se recollerán as propostas regulamentarias que vaian a ser elevadas para a súa aprobación o exercicio seguinte.

Así o art. 132 do citado texto legal establece que: “1. *Anualmente, as Administracións Públicas farán público un Plan Normativo que conterá as iniciativas legais ou regulamentarias que vaian ser elevadas para a súa aprobación no ano seguinte.*

2. *Unha vez aprobado, o Plan Anual Normativo publicarase no Portal da Transparencia da Administración Pública correspondente”.*

En cumprimento desta normativa sométese ao pleno, o documento comprensivo do Plan normativo para o exercicio 2020, no que se recollen as propostas regulamentarias que van ser elevadas ou está previsto elevar e este órgano, para a súa aprobación, nese período temporal.

Vistos, pois os fundamentos anteriormente expostos e polo que se propón a adopción do seguinte acordo:

Primeiro: Aprobar o Plan normativo anual do Concello de Camariñas para o exercicio de 2020, no que se prevé a elaboración e posterior tramitación e aprobación das seguintes normas xurídicas ou a modificación das actualmente en vigor:

INICIATIVA NOVA:

Documento asinado electrónicamente, pódese validar a sinatura co código indicado na marxe na <https://sede.camarinas.net>. O código de verificación garante, mediante o cotexo na sede electrónica municipal, a integridade do documento (artigo 42.b da Lei 40/2015, do 1 de outubro, do Réxime Xurídico do Sector Público).



CONCELLO DE CAMARIÑAS

A CORUÑA

ORDENANZAS E REGULAMENTOS:

ORDENANZA MUNICIPAL PARA A DEFENSA, PROTECCIÓN, BENESTAR E TENENCIA RESPONSABLE DE ANIMAIS DE COMPAÑÍA NO CONCELLO DE CAMARIÑAS

MOTIVACIÓN: A Lei 4/2017, do 3 de outubro, de protección e benestar dos animais de compañía en Galicia, publicada no Diario Oficial de Galicia de 11 de outubro de 2017. Esta disposición ten por obxecto establecer as normas que garanten a protección e benestar, así como a posesión e tenencia responsable dos animais de compañía, incluíndo aos silvestres mantidos en cautividade con fins distintos dos produtivos, no ámbito territorial da Comunidade Autónoma de Galicia.

O art. 5 establece que: *“Todas as administracións públicas de Galicia cooperarán no desenvolvemento das medidas de defensa e protección dos animais incluídos no ámbito de aplicación da presente lei e na denuncia ante os órganos competentes de calquera actuación contraria ao disposto na mesma”*; concretando as competencias dos municipios nesta materia no art. 6 ao atribuír ás persoas titulares das alcaldías dos concellos de Galicia a responsabilidade superior na defensa e protección dos animais no seu termo municipal.

INICIATIVAS EN TRAMITACIÓN

PLANEAMENTO URBANÍSTICO:

MODIFICACIÓN PUNTUAL Nº 1 DO PLAN XERAL DE ORDENACIÓN MUNICIPAL. Se pretende aprobalo definitivamente este ano.

PLAN ESPECIAL DE PROTECCIÓN E REFORMA INTERIOR DO CONCELLO DE CAMARIÑAS. Se pretende aprobalo definitivamente este ano, estando aínda pendente de aprobación provisional.

ESTUDO DE DETALLE PARA REAXUSTE DE ALIÑACIÓN NO CUARTEIRÓN EXISTENTE ENTRE A RÚA DA RAMPA E O PASEO MARÍTIMO DE CAMELLE. Plan de iniciativa particular, se pretende aprobalo definitivamente este ano.

Segundo: Publicar o presente acordo no portal de transparencia.

Terceiro: Facultar expresamente á Alcaldía para todo o relacionado coa tramitación e xestión do presente acordo

**Camariñas, asinado dixitalmente na data que figura ao marxe
A alcaldesa,**

Asd.: Sandra Insua Rial